



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Provinciæ Paraquariæ Societatis Jesv**

**Techo, Nicolas**

**Leodii, MDCLXXIII.**

Cap. 17. Ad insulam Sanctæ Mariæ Socii utiliter navigant.

**urn:nbn:de:hbz:466:1-38528**

turum. Libipango utcumque conciliato, reliquos Casiquios libuit ad generale colloquium iterum follicitare: ad quod cum sexaginta ex condito convenissent, sic ex concilio discessum, ut proni omnium animi ad Fidem Christi recipiendam viderentur. Sed revera inanibus spibus plerique Socios pascebant: nam ad eorum terras delati, nihil admodum, nisi ab morientibus, non aegre se eo in articulo Christianos fieri sicutibus, impetrabant. Quare nihil se profecturos rati, nisi gens, qua disaggregatim vivebat, autoritate Praetoris ad commodiorem Christianae doctrinae tradendae usum, ad oppida redigeretur, ut id fieret, omnem conatum deinceps posuere. In quam rem cum Araucanæ arcis Praefectus vires & industria suam contulisset, viculi propè innumeri ad viginti magnos pagos reducti sunt, statimque ab quingentis capitibus evictum, ut se Christianis praecipis in templis ab Sociis conditis imbui sinerent. Quia de re Bechius ad Provinciam scribens, asserebat procliva sibi videri omnia, & si non deessent opera, multa millia Barbarorum brevi baptizari posse. Nec dubitabatur fore, ut pedetentim fructus insignium laborum uberrimi perciperentur; nisi hanc spem concusisset solita vexatio, quâ Barbari iterum dispalati ad sua latibula, pristimo more, redire. Restabat unica gentem ad Christum reducendi via; si nempe Sacella in singulis viculis conderentur, ad quæ continuo motu Patres nostri itarent; sed & illud disturbatum per novum arcis Araucanæ Praefectum, æquè Societati infersum ac suis rebus intentum. Quod reliquum fuit, Altare & Sacellum portatile Socii fecere, Catechesim in ipsis campis non sine aliquo animarum lucro cogentes. Donec dæmonis artibus factum, ut, non ignotis authoribus, suas inter Indos vexationes ab Societate coram censeri non ferentibus, spargeretur in vulgus, Doctrinæ Christianæ ab Sociis obtrusa respectu, Araucanos omnes iterum velle rebellare. Quia res ita invaluit, ut extra arcem egredi totis septem mensibus ab Praetore prohibiti sint. Donec calumnia explosa in suos authores verteret, & daret locum pristinos labores repetendi. Id vero ex his vexationibus boni perceptum est, ut Araucani Societatem estimarent magis, & confidentius eam uterentur: igitur repacio variis in excursionibus aliquot centena capita paulo ante mortem ad partes Christi transisse. Sed infantum ut proventus uberior, sic salus certior fuit. Ethnica mulier filiolum infantem statim à suscepso Baptismo ad celos evolare vidisse se testata est, quem ut sequeretur baptizari voluit. Unum è Sociis plurimorum Indorum Baptismo distractum interpellavit derepente mulier in speciem fana & vegeta, summis precibus contendens, ut se, nullâ interpolâ morâ, Christianam faceret: quo imperato, exultans gaudio, quod Maria nomen sibi contigisset, eodem instanti & loco feliciter expiravit. In perpetuo motu erant Socii, sive ad remotas Hispanorum arces, sive ad vicos indigenarum, per montium abrupta, per saxera, per fluminum pericula, exiguo militum contra hostium subitos incursus comitatu, curserant. Adeò ut tantis laboribus impares ad Provinciam scriberent, decem Socios oneri ferendo non sufficiens: vocaret ab ipsa Peruvia & Europæ Socios: collegia deferent; magnos animos adferrent: si removerentur obstacula, innumeros Barbaros ad fidem traduci posse. Chilensis regni Praetor, litteris ad Regem Catholicum datis, narrabat, duos Jesu Socios universo exercitu Regio, ad retundendos rebelles, & amicos in fide continentos, aptiores potentioresque videri: admonebatque, è Republica bono fore, si decem Socii, in bellis finibus, Regius sumptibus alecentur. Peruvia vero Proregem rogabat, ut quotquot lingua Chilena periti de Societate in Peruvia essent, interpolâ autoritate, ad Araucanos mitti procuraret. Sed si vera noscere cupimus, satis apparebat, nihil magni confici posse, nisi Indorum vexationi modus poneretur, ad quam rem cohibendam Socii omnes nervos contendebant.

**N**ec in continenti tantum se continuuit Sociorum ardor, ipsum etiam oceanum pervasit. Sancta Maria insula est modica, quindecim ab littore milibus distans, è regione arcis Araucanæ posita. Hanc insulam indigenæ, partim Ethnici, partim Neophyti, sine Sacerdote, sub Europæ custode, incolebant.

K ;

Sed |

Libipango  
utcumq[ue] con-  
ciliatur.

Araucani  
ad oppida  
reducuntur.

Iterum di-  
sparantur.

Socii ad  
Araucanos  
excurrere  
prohibentur.

Apud Regem  
Catholicum  
commendan-  
tur.

Et apud Pe-  
ruvia Pro-  
regem.

CAPUT  
XVII.  
Ad Insulam  
Sanctæ Ma-  
rie Socii  
utiliter na-  
vigator.

*Insulanorum  
mores.*

*Petrus Ter-  
nande Sociis  
se opposit.*

*Martinus  
Aranda  
eum repre-  
mis.*

*Insulanis cō-  
vertuntur.*

*CAPUT  
XVIII.  
Chiloë in-  
sula tempo-  
rari Socie-  
tatis domi-  
cilio occu-  
patur.*

*Chiloë de-  
seribus.*

*De Urbe Ca-  
strensi.*

Sed Christiani æquè ac Ethnici plures uxores alebant, Dæmoni communicabant, execranda omnia promiscuo usu sibi faciebant, nomine tenus inter se distraicti. Igitur huc delati Bechius & Aranda, ingenti labore gentem omnem in unum locum coactam gravi oratione docent, quemadmodum Christiani in gratiam Dei redeant, & Ethnici in album Christianorum referri possint. Concionem interpellavit vir inter suos nobilissimus Petrus Ternande, Baptismo olim, nescio quâ occasione tinctus, sed revera animo Ethnicus: is utrumque Patrem increpitum, quod avitos mores interturbatum venissent, prohibet Christianam legem promulgari, vociferans asseclis suis, pro Deo Quequebu esse, nec deesse ceremonias ac religiones, quas sui insulanii, majorum suorum ritu, usurparunt. Cum vero Socii inquirent de eorum avitis moribus, invenire ab Christianis Ethnicis que mixtum certis temporibus conventum celebrari, quem Requetum vocabant: inibi post solitas debacchationes sacrificulos creari, Dæmonem consuli, & execranda sacraque omnia nefando prorsus modo miseri. Quocirca Aranda, ut erat Divinæ gloriæ cupidus, jam vero Dei contumeliam, & Christiani hominis apostasiam irritatus, periculi sui negligens, in haec verba prorupit. Tu vero, inquit, ô Ternande (nam te Christiano nomine non compellabo) fæde errasti, qui abrenunciato olim Dæmoni reconciliatus Deum cæli terraque conditorem contemnis: sed scias velim, nullo ferocitatis ostentamento permisurum me, ut te tuosq; infandis ceremoniis deinceps immisceas. Repugnantem, afferentemque Chilensi regni Prætoris permisso id fieri, cœlestibus mortalibusque minis terret, & mox litteris ad Prætorem datis impetrat, ne Barbari suum Requetum, quem politicum tantum conventum esse mentiti fuerant, impoſterum celebrarent. Quare perfectâ, & Petro Ternande per salubrem terrorem domito, conversionem plerorumque in expedito Socii habuere. Igitur primâ molitione centum & sexaginta Ethnicos Christiano ritu abluunt, Neophyros omnes Exhomologesi, nulquam ab his per totam vitam usurpatâ, expiant: pellicibus demptis, singulas singulis uxores in matrimonium ritè collocant, superstitiones abolent, mandata Dei & Ecclesiæ promulgant, mores & preces Christianorum introducunt, denique quadrimestri labore magnam Insulæ partem Dæmoni eruptam Deo ritè consecrant: adeò felici successu, ut cum eò Socii alias adnavigarent, nihil paenè antiquarum superstitionum ebrietatum reperirent. In alia excursione centum, partim advenæ, partim indigenæ, ad partes Christi transfugere: quorum aliqui narrabant se ad Baptismum petendum inductos, quod ab Sacrificio Missæ tanquam canes arcerentur. Denique annuæ Sociorum litteræ afferunt, subsequentibus temporibus in modicâ insulâ fructus pietatis uberrimos fuisse perceptos: quibus sigillatum enucleandis supersedeo, nam ad Chiloëensem navigationem cum aliis Sociis, ultimas Oceani insulas scrutandi desiderio, me accingo.

**C**HILOE Regni Chilensis maritima appendix, insula est quinquaginta leuis longa, lata septenis: arcuati brachii figuram habet, contra quod olim Geographi describebant, quadratam autumantes. Quâ ad Meridiem obvolvit, per angusto discissa freto, non multum ab continenti discedit: & ipsa continens, quasi etiam ægrè avelleretur, sinu faeto eam excipit. Altero sui angulo, quo ad Aquilonem vergit, liberius in mare vagatur. Regio omnis inæqualis est, montuosa, sylvestris, paludosa, & frigoribus immodicis obnoxia; utpote quæ quadragesimum-tertium latitudinis Australis gradum prætergreditur. Aestatem fœdant repentini turbines, adeò frigidi, ut vix à brumali tempestate distinguas. Oblitum frugum maturitatì gelidæ auræ, & calores in Autumno dilutiores. Si palmarem terræ superficiem verteris, statim incides in arenam rubram, immodicâ siccitate quodvis semen corruptem: & tamen sylvæ adeò proceras arbores gignunt, ut ex quibuldam quamplurimos afferes fieri Ovallius, non sine authore, afferat. Gleba, aratri ferè incapax, olim surculis colebatur. Ex hac terræ cœlique conditione tanta infœcunditas est, ut bene secum agi putent, qui insularum quarundam radicum ex semiente quintuplum colligunt. In hujus insulæ angulo Aquilonari, Hispani pauci profugi, urbium ab Araucanis rebellibus in continentis diru-

tarum